

四庫全書

史部

欽定四庫全書

大唐開元禮卷四十七

唐 蕭嵩等 撰

吉禮

孟春吉亥享先農於藉田有司攝事

齋戒

陳設

享饋

齋戒

凡預享之官散齋三日致齋二日

散齋皆於正寢致齋一日於本司一日於享所其無本司

欽定四庫全書

大唐開元禮
卷四十七

皆於散齋理事如舊唯不弔喪問疾不作樂不判署刑殺

文書不行刑罰不預穢惡致齋唯享事得行其餘悉斷其

享官已齋而闕者通攝行事光祿卿監取明水火

太官令取水於陰鑒

取火於陽燧火以供爨水以實尊前享一日諸衛令其屬未後一刻各以

其方器服守衛壝門

每門二人每隅一人

與太樂工人俱清齋一宿

陳設

前享三日右校掃除壇之內外又為瘞塢於壇之壬地外壝之內方深取足容物南出陛前享二日衛尉設享官

公卿以下次於外壝東門之外道南北向以西為上設
饌幔於內壝東門之外道南北向大樂令設宮懸之樂
於壇南內壝之內東方西方磬簾起北鐘簾次之南方
北方磬簾起西鐘簾次之設十二罇鐘於編懸之間各
依辰位樹路鼓於北懸之內道之左右植建鼓于四隅
置祝敔於懸內祝在左
敔在右設歌鐘歌磬於壇上近南北向
磬簾在西鐘簾在東其匏竹者立於壇下重行北向相
對為首凡懸皆展
而編之諸工人各位於懸後東方西方以南

為上南方北方以西為上前享一日奉禮設享官公卿
位於內壝東門之內道北執事位於道南每等異位重
行西面以北為上設望瘞位於壇之西南當瘞炤北向
設御史位於壇之下一人位於東南西向一人位於西
南東向令史各陪其後設奉禮位於樂懸東北贊者二
人在南差退俱西向北上又設奉禮贊者位於瘞炤西
南東面南上設協律郎位於壇上南陛之西東向設太
樂令位於北懸之間當壇北向設享官公卿以下門外

位皆於東墻之外道南每等異位重行北面以西為上

設酒樽之位於壇上神農氏犧尊二象尊二山罍二在東

南隅北向后稷氏犧尊二象尊二山罍二在神農氏酒尊

之東俱北向西上

尊俱置於坫皆加勺畢設爵于尊下

設洗於壇上南陛

東南北向罍水在洗東篚在洗西南肆

篚實以中爵

執尊罍

篚纂者各位於尊罍篚纂之後各設幣篚於壇上尊坫

之所晡後謁者引光祿卿詣厨視濯漑又謁者引諸享

官詣厨省饌具訖還齋所享日未明十五刻太官令帥宰

人以鸞刀割牲祝史以豆取毛血置於饌所遂烹牲
未明五刻太史令郊社令升設神農氏神坐於壇上北
方南向設后稷氏神坐於東方西向席俱以莞設神位
各於坐首

饋享

享日未明三刻諸享官各服其服郊社令良醞令各帥
其屬入實樽罍及幣

犧尊實以醴齊象尊實以盎齊其
玄酒各實于兩齊之上尊山罍實

以清酒禮神
之幣皆以青

太官令帥諸進饌者實諸籩豆盞簋入陳

於東門之外饌幔內未明二刻奉禮帥贊者先入就

位贊引引御史諸太祝及令史祝史與執尊罍篚冪者

入自東門當壇南重行北面西上

凡導引者每曲一逡巡

立定奉

禮曰再拜贊者承傳

凡奉禮有詞贊者皆承傳

御史以下皆再拜訖

執樽者升自東陸立於尊所壇下執樽罍篚冪者各就

位贊引引御史諸太祝詣壇東陸升行掃除於上令史

祝史行掃除於下訖引降就位未明一刻太樂令帥工

人二舞次入就位文舞入陳於懸內武舞立於懸南道

欽定四庫全書

大唐開元禮
卷四十七

四

西謁者引司空入就位立定奉禮曰再拜司空再拜訖謁者引司空詣壇東陞升行掃除於上降行樂懸於下訖引還本位初司空入謁者引享官贊引引執事者俱就壝外位司空行掃除訖謁者贊引各引享官以次入就位立定奉禮曰衆官再拜衆官在位者皆再拜

其先

拜者謁者進太尉之左白有司謹具請行事還本位協

律郎跪俛伏舉麾

凡取物者皆跪俛伏而取以興奠物則奠訖俛伏而後興

鼓祝以

角音奏永和之樂以姑洗之均作文舞之舞樂舞三

成偃麾戛敔樂止

凡樂皆協律郎舉麾工鼓柷而後作偃麾戛敔而後止

奉禮曰衆

官再拜衆官皆再拜諸太祝俱取幣於篚各立於尊所
謁者引太尉詣壇升自南陛北向立太祝以幣東向授
太尉受幣登歌作肅和之樂乃以南呂之均謁者引太
尉進北面跪奠於神農氏神坐興謁者引太尉少退北
向再拜謁者引太尉立于西方東向又太祝奉幣北向
授太尉受幣謁者引太尉進東面跪奠於后稷氏神坐
興謁者引太尉少退東向再拜訖登歌止謁者引太尉

降自南陸還本位初群官拜訖祝史奉毛血立于門外
登歌止祝史奉毛血升自南陸配坐升自東陸太祝迎
取于壇上進奠于神坐前太祝興祝史退立于尊所太
尉既升奠幣太官令出帥進饌者奉饌陳于內壝東門
之外謁者引司徒出詣饌所司徒奉神農之俎太官令
引饌入俎初入門雍和之樂作自後酌獻
皆作雍和饌至陸樂止
祝史跪徹毛血之豆降自東陸以出神農氏之饌升自
南陸配坐饌升自東陸諸太祝迎引於壇上各設於神

坐前

蓬立蓋畢先徹乃升簋簠既奠却其蓋于下

設訖謁者引司徒以下降

復位諸太祝各還尊所謁者引太尉升自南陛詣神農氏酒尊所執尊者舉幕太尉酌醴齊訖樂作謁者引太尉進神農氏神坐前北向跪奠爵興謁者引太尉少退北向立樂止太祝持版進於神坐之右東面跪讀祝文曰維某年歲次月朔日子嗣皇帝臣某謹遣太尉封臣名敢昭告于神農氏獻春伊始東作方興率由典則恭事千畝謹以制幣犧齊粢盛庶品肅脩恒祀陳其明薦

以后稷配神作主尚饗訖興太尉再拜初讀祝文訖樂作太祝進跪奠版於神坐興還尊所太尉拜訖樂止謁者引太尉詣后稷氏酒樽所取爵于坫執尊者舉冪太尉酌醴齊訖樂作謁者引太尉進后稷氏神坐前東向立樂止太祝持版進於神坐之左北面跪讀祝文曰維某年歲次月朔日子嗣開元神武皇帝某謹遣太尉封臣名敫昭告于后稷氏土膏親起爰循耕籍式陳明薦于帝神農氏惟神功叶稼穡實允昭配謹薦制幣犧齊粢

盛庶品作主侑神尚饗訖興太尉再拜初讀祝文訖樂作太祝進跪奠版于神坐興還尊所太尉拜訖樂止謁者引太尉進神農氏神坐前北向立太祝各以爵酌鬯福酒合置一爵一太祝持爵進太尉之右西向立太尉再拜受爵跪祭酒啐酒奠爵興太祝帥齋郎奉俎太祝減神農前三牲胙肉加於俎又以籩取稷黍飯興以胙肉共置一俎上又以飯共置一籩太祝先以飯籩授太尉太尉受以授齋郎又以俎授太尉太尉每受以授齋郎太尉跪取爵

遂飲卒爵太祝進受爵復於坫太尉興再拜謁者引太尉降復位文舞出鼓祝作舒和之樂出訖戛鼓樂止武舞入鼓祝作舒和之樂立定戛鼓樂止初太尉獻將畢謁者引太常卿詣罍洗盥手洗爵訖謁者引太常卿自東陞升壇詣神農氏象尊所執尊者舉幕太常卿酌盎齊訖武舞作謁者引太常卿進神農氏神坐前北向跪奠爵興謁者引太常卿少退北向再拜謁者引太常卿進神農氏神坐前北向立太祝各以爵酌罍福酒合置一爵一

太祝持爵進太常之右西向立太常卿再拜受爵跪祭酒
遂飲卒爵太祝進受爵復於坫太常卿興再拜謁者引太常

卿降復位初太常卿獻將畢謁者引光祿卿詣罍洗盥

洗訖升酌盞齊終獻如亞獻之儀訖謁者引光祿卿降

復位武舞六成舞獻俱畢諸太祝各進跪徹豆還尊所

徹者遵豆各一
少移於故處

奉禮曰賜胙贊者唱衆官再拜衆官在

位者皆再拜

已飲福受
昨者不拜

奉禮曰衆官再拜衆官在位者

皆再拜樂一成止謁者進太尉之左白請就望塵位謁

欽定四庫全書

大唐開元禮
卷四十七

者引太尉就望瘞位北向立於衆官將拜訖諸太祝各持篚進神坐前跪取幣齋郎以俎載牲體稷黍飯爵酒興各由其陞降壇詣瘞埽以幣饌物置於埽訖奉禮曰可瘞埽東西廂各四人寘土半埽謁者引太尉出又謁者贊引各引享官以次出贊引引御史以下俱復執事位立定奉禮曰再拜御史以下皆再拜贊引引出工人二舞以次出其祝版燔於齋坊

大唐開元禮卷四十七

欽定四庫全書

大唐開元禮卷四十八

唐 蕭嵩等 撰

吉禮

皇后季春吉巳享先蠶親桑

齋戒

陳設

車駕出宮

饋享

親桑

車駕還宮

勞酒

欽定四庫全書

大唐開元禮
卷四十八

齋戒

先祀五日散齋三日於後殿致齋二日於正殿前致齋
一日尚寢設御幄於正殿西序及室中俱東向致齋之
日晝漏上水一刻尚儀版奏請中嚴尚服帥司仗布侍
衛司賓引內命婦陪位並如式六尚以下各服其服詣
後殿奉迎尚儀版奏外辦上水三刻皇后服鈿釵禮衣
結珮乘輿出自西房華蓋警蹕侍衛如常儀皇后即御
坐東向坐六尚以下侍衛如常一刻頃尚儀前跪奏稱

尚儀妾姓言請降就齋室興退復位皇后降坐乘輿入室
六尚以下各還寢直衛者如常司賓引陪位者退散齋之日
內侍帥內命婦之吉者使蠶於蠶室凡預享之官散齋三
日於其寢致齋二日一日於其寢一日於享所

亞獻終獻則致齋
二日皆於其寢

六尚以下應從升者及從享內外命婦各於其寢清齋一
宿散齋理事如舊惟不弔喪問疾不作樂不判署刑殺文
書不行刑罰不預穢惡致齋惟享事得行其餘悉斷其享
官已齋而闕者通攝行事諸預享之官致齋之日給酒食

及明衣各習禮於齋所光祿卿監取明水火

太官令取水於陰鑑取火於陽燧火以供

釁水以實尊

前享一日諸衛令其屬未後一刻各以其方器服守衛

壝門

每門二人每隅一人

享日未明給使代執與女工人等俱清齋一宿

陳設

前享三日尚舍直長施大次於外壝東門之內道北南向尚舍奉御鋪御坐尚舍直長設內命婦及六尚以下次於大次之後俱南向守宮設外命婦次大長公主長公主公主以下於南壝之外道西三公夫人以下在其

南俱重行每等異位東向北上設陳饌幔於內墻東門之外道南北向前享二日太樂令設宮懸之樂於壇南內墻之內東方西方磬簾起北鐘簾次之南方北方磬簾起西鐘簾次之設十二大磬於編懸之間各依辰位置祝敔於懸內祝在左敔在右設歌鐘歌磬於壇上近南北向磬簾在西鐘簾在東其匏竹者立於壇下重行北向相對為首

凡懸皆展而編之

諸女工人各位於懸後東方

西方以南為上南方北方以西為上右校掃除壇之內

外又為瘞瘠於壇之壬地內壇之外方深取足容物南
出陸又為采桑壇於壇二十步所方三丈高五尺西出陸
尚舍量施帷障於外壇之外四面開門其東門使容厭
翟車前享一日內謁者設御坐於壇之東南西向設望
瘞位於壇之西南當瘞瘠西向設亞獻終獻位於內壇
東門之內道南執事者位於其後每等異位俱重行
西向北上設典正位於壇下一位於東南西向一位於
西南東向女史各陪其後設司贊位於樂懸東北掌贊

二人在南差退俱西面又設司贊掌贊位於埋埴西南東面南上設典樂舉麾位於壇上南陛之西東向設司樂位於北懸之間當壇北向設內命婦位於終獻之南絕位每等異位重行西向北上設外命婦位于中壝南門之外大長公主以下於道東東西當內命婦位差退公夫人以下於道西去道遠近准公主位俱每等異位重行相向北上又設御采桑位于采桑壇上東向設內命婦采桑位于壇下當御位東北每等異位南向西

上設外命婦采桑位於壇下當御位東南每等異位北

向西上設執御鉤筐者位於內命婦之西少南西上尚功

執鉤筐設內命婦執鉤筐者位各於其采桑位之後尚功

下四典執鉤筐設門外位享官於東壇之外道南從享

內命婦于享官之東俱每等異位重行北面西上從享

外命婦於南壇之外道西如設次之式設酒尊之位於

壇上東南隅北向西上犧尊二象尊二山尊皆加勺羅有

站以設御洗于壇南陞東南亞獻之洗又於東南俱北

向壘水在洗東篚在洗西南肆

篚實以中爵

執尊罍篚冪者

各位于尊罍篚冪之後設幣篚于壇上樽坩之所晡後

內謁者帥其屬以尊坩罍洗篚冪入設于壇上

升壇者自東陞

享日未明十五刻太官令帥宰人以鸞刀割牲祝史以豆

取毛血置于饌所遂烹牲

其神厨及諸司供事便次守宮與金吾相之量于壇東張設

享日未明五刻司設服其服升設先蠶氏神坐于壇上
北方南向席以莞設神坐於坐首

車駕出宮

前享一日金吾奏請外命婦等應集壇所者並聽夜行
其應采桑者四人各具女侍者進筐鉤載之而行監門
預奏請享日未明四刻開所由苑門諸親及命婦以下
以次入詣壇南次所各服其服應采桑者筐鉤各具女
侍者執授內謁者監內謁者監受之以授執鉤筐者享
日未明三刻搥一鼓為一嚴三嚴時節前一
日內侍奏裁未明二刻
搥二鼓為再嚴尚儀版奏請中嚴內命婦各服其服所
司陳車駕鹵簿未明一刻搥三鼓為三嚴司賓引內命

婦入立于庭重行西面以北為上六尚以下各服其服

俱詣室奉迎

尚服負寶如式

內僕進厭翟車于閣門尚儀版奏

外辨馭者執輿皇后服鞠衣乘輿以出華蓋侍衛警蹕

如常內命婦從出門皇后升車尚功司製進筐鉤載之

伏衛如常儀內命婦及六尚等乘車陪從如式其內命

婦應采桑者四人各服其服典製等進筐鉤載之諸翊駕之官

皆乘馬駕動警蹕如常不鳴鼓角諸衛前後督攝如常

內命婦宮人以次從

饋享

享日未明三刻諸享官各服其服尚儀及司醢帥其屬

入寔尊罍及幣

犧尊實以醴齊象尊實以盎齊山罍實以清酒料加明水酒加玄酒各實上尊幣以黑

太官令寔諸籩豆簠簋俎等內謁者帥其屬詣厨奉饌

入設於饌幔內

內侍之屬與司膳等守掌之其三牲之肉不上升神俎者亦太官付內謁者同

時進入以供頒胙自餘供享之物並諸司前一日預進

駕將至女相者引先置享

官內典引引外命婦俱就門外位

女相者以尚儀下女史充

駕至大

次門外迴車南向尚儀進車前跪奏稱尚儀妾姓言請

降車興還侍位皇后降車乘輿之大次華蓋繖扇侍衛

如常儀尚儀以祝版進御署訖奉出奠於坵皇后降車

訖尚功司製進受鈎筐以退

其內命婦鈎筐則內命婦降車訖典製等進受之

典贊引亞獻及從事內命婦俱就門外位司贊帥掌贊

先入就位女相者引尚儀典正及女史祝史

女史祝史以尚儀下

女史充

與女執尊罍篚冪者入自東門當壇南北面西上

立定司贊曰再拜掌贊承傳

凡司贊有詞掌贊皆承傳

尚儀以下皆

再拜訖尚儀以下各就位司樂帥女工人入就位典贊

引亞獻終獻女相者引執事者司賓引內命婦內典引引外命婦俱入就位皇后停大次半刻頃司言引尚宮立於大次門外當門北向尚儀版奏外辦皇后出次華蓋侍

衛如常

尚服負寶陪從如式

司言引尚宮尚宮引皇后

凡尚宮前導皆司言先引

入自

東門華蓋仗衛停於門外近侍者從入如常皇后至版

位西向立

每立定尚宮與司言退立于左

立定尚宮前奏稱請再拜退

復位皇后再拜司贊曰衆官再拜享官及內外命婦在

位者皆再拜

其先拜者不拜

尚宮前奏有司謹具請行事退復

位典樂跪舉麾

凡取物者皆跪而取以興奠物亦跪奠而後興

鼓祝奏永和之樂

以姑洗之均

自後壇下接神之樂皆奏姑洗

三成偃麾戛敔樂止

凡樂皆興

樂舉麾工鼓祝而後作偃麾戛敔而後止

尚宮前奏稱請再拜退復位皇后

再拜司贊曰衆官再拜享官及內外命婦在位者皆再

拜壇上尚儀跪取幣於篚興立於尊所尚宮引皇后正

和之樂作

皇后每行皆作正和之樂

皇后詣壇升自南陛六尚已下

量人從升

以下升皆如之

皇后升壇北面立樂止尚儀奉幣束

向進皇后受幣登歌作肅和之樂以南呂之均尚宮引

皇后進北向跪奠於神坐興尚宮引皇后少退北向再拜訖登歌止尚宮引皇后樂作降自南陛還版位西向立樂止初内外命婦拜訖女史祝史奉毛血之豆立于内壝東門之外於登歌止女史祝史奉毛血入升自南陛尚儀迎引於壇上進跪奠於神坐前興與女祝史退立於尊所皇后既升奠幣司膳出帥女進饌者奉饌陳於内壝東門之外皇后既降復位司膳引饌入俎初入門雍和之樂作饌至陞樂止女祝史跪徹毛血之豆降自

東陸以出饌升自南陸尚儀迎引於壇上設於神坐前

蓬巨蓋先徹乃升蓋
蓋既奠却其蓋於下

設訖司膳帥女進饌者降自東

陸復位尚儀還尊所尚宮引皇后詣盥洗樂作皇后至
盥洗樂止尚儀跪取匱興沃水司言跪取盤興承水皇
后盥手司言跪取巾於篚興進皇后帨手訖司言受巾
跪奠於篚司言跪取爵於篚興進皇后受爵尚儀酌蠶
水司言奉盤皇后洗爵司言授巾皆如初皇后拭爵訖
尚儀奠匱司言奠盤巾皆如常尚宮引皇后樂作詣壇

升自南陛樂止尚宮引皇后詣酒尊所執尊者舉簾尚
儀贊酌醴齊訖壽和之樂作

皇后每酌獻及飲
福皆作壽和之樂

尚宮引

皇后退北向立樂止尚儀持版進於神坐之右東面跪
讀祝文曰維某年歲次月朔日子皇后某氏敢昭告于
先蠶氏惟神肇興蠶織功濟黔黎爰擇嘉時式遵令典
謹以制幣犧齊粢盛庶品明薦于神尚饗訖興皇后再拜
初讀祝文訖樂作尚儀跪進奠版于神坐興還尊所皇
后拜訖樂止尚儀以爵酌上尊酒西向進皇后再拜受

爵跪祭酒啐酒奠爵興尚儀帥女進饌者持籩俎進

尚儀以神前三牲胙肉

皆取前脚第二骨

各置一俎上又以籩取

稷黍飯共置一籩尚儀先以飯籩西向進皇后受以授

左右尚儀又以胙俎以次進皇后每受以授左右皇后

跪取爵遂飲卒爵尚儀進受爵復于牀皇后興再拜訖

樂止尚宮引皇后樂作降自南陛還版位西向立樂止

皇后獻將畢典贊引貴妃詣盥洗盥手洗爵訖典贊引

貴妃自東陛升壇詣象尊所執尊者舉幕貴妃酌盞齊

典贊引進神坐前北向跪奠爵興典贊引貴妃少退北向再拜

尚儀以爵酌疊福酒持爵進貴妃之右西向立貴妃再拜受爵

跪祭酒遂飲卒爵尚儀進受爵復于坫貴妃再拜興贊

引貴妃降自東陞復位初貴妃獻將畢又典贊引昭儀

詣疊洗盥手洗爵升酌盞齊終獻如亞獻之儀訖典贊

引昭儀降復位尚儀進神生前跪徹豆興還樽所徹者

各一步移司贊曰賜胙掌贊唱衆官再拜衆官在位者

皆再拜已飲福永和之樂作尚宮前奏稱請再拜退復

者不拜

位皇后再拜司贊曰衆官再拜衆官在位者皆再拜樂一成止尚宮前奏請就望瘞位司贊帥掌贊就瘞堦西南位尚宮引皇后樂作至望瘞位西向立樂止於衆官將拜尚儀執篚進神坐前取幣自北陸降壇西行詣瘞堦以幣置于堦訖司贊曰可瘞堦東西各四人寘土半堦尚宮前奏禮畢請就采桑位尚宮引皇后樂作請采桑壇升自西陸東向立樂止初白禮畢司贊帥掌贊還本位

親桑

皇后將詣望瘞位司賓引內外命婦采桑者俱就采桑

位

內外命婦一品各二人二品三品各一人

諸執鉤筐者各就位皇后既至

采桑位尚功奉金鉤自北陞升壇進典製奉筐從升皇后受鉤采桑典製奉筐受桑皇后采三條止尚宮前受鉤典製以筐俱退復位皇后初采典製等各以鉤授內外命婦皇后采桑訖內外命婦以次采桑女史執筐者受之內外命婦一品各采五條二品三品各采九條止典製

等受鉤與執筐者退復位司賓各引内外命婦采桑
者退復位司賓引婕妤一人詣蠶室尚功率執鉤筐者以
從至蠶室尚宮以桑授蠶母蠶母受桑切之以授婕妤
好食蠶洒一薄訖司賓引婕妤還本位尚儀前奏禮畢退
復位尚宮引皇后樂作還大次入大次訖樂止司賓引内
命婦内典引引外命婦各還其次尚儀典正以下俱復執
事位立定司贊曰再拜尚儀以下皆再拜訖出女工人以次
出其祝版燔於齋所

車駕還宮

皇后既還大次內侍版奏請解嚴

將士不得輒離部位

皇后停大次

一刻頃槌一鼓為一嚴轉仗衛於還塗如來儀三刻頃槌

二鼓為再嚴尚儀版奏請中嚴皇后服鈿釵禮衣三刻頃

槌三鼓為三嚴內典引引外命婦出次就門外位司賓引

內命婦出次序立於大次之前六尚以下依式奉迎內僕

進厭翟車於大次門外南向尚儀版奏外辦馭者執轡皇

后乘輿出次華蓋侍衛警蹕如常皇后升輿鼓吹振作而

行內命婦以下乘車陪從如來儀車駕過內典引引外命婦退還第駕至正殿門外迴車南向尚儀進當車前跪奏稱尚儀妾姓言請降車興還侍位皇后降車乘輿入侍衛如常內侍版奏請解嚴將士各還其所

勞酒

車駕還宮之明日內外命婦設會于正殿如元會之儀

惟不

賀不上
壽為異

大唐開元禮卷四十八

欽定四庫全書

大唐開元禮卷四十九

唐 蕭嵩等 撰

吉禮

季春吉已享先蠶於公桑有司攝事

齋戒

陳設

饋享

齋戒

前享五日諸預享官散齋五日各於其寢致齋二日一

日於其寢一日於享所散齋理事如舊惟不弔喪問疾
不作樂不判署刑殺文書不行刑罰不預穢惡致齋唯
享事得行其餘悉斷其享官已齋而闕者通攝行事凡
預享之官致齋之日給酒食及明衣各習禮於齋所光
祿卿監取明水火

太官令取水於陰鑒取水於陽燧火以供爨水以實尊

前享一

日諸衛令其屬未後一刻各以其方器服守衛墻門

每門

二人每隅一人

享日未明給使代執與女工人俱清齋一宿

陳設

前享三日守宮設享官次於東墮之內道南北向以西為
上設陳饌幔于內墮東門之外道南北向前享三日太樂
令設宮懸之樂於壇南內墮之內東方西方磬簾起北鐘
簾次之南方北方磬簾起西鐘簾次之設十二大磬於編懸
之間各依辰位置祝敔於懸內祝在左敔在右設歌鐘歌磬
於壇上近南北向磬簾在西鐘簾在東具匏竹者立於壇
下重行北向相對為首凡懸皆展而編之諸女工人各位於懸後東
方西方以南為上南方北方以西為上右校掃除壇之內

外又為瘞瘠於壇之壬地內壝之外方深取足容物南出
陛前享一曰內謁者設三獻位於內壝東門之內道北執
事位于道南每等異位皆重行西向以北為上又設望瘞位
於壇之東北當瘞瘠道西向又設典正位于壇下一位於東
南西向一位於西南東向女史各陪其後糾察設掌贊位於
樂懸東北女史二人在南差退俱西向又設掌贊女史位于
瘞瘠西南東向南上設典樂舉麾位於壇上南陛之西東
向設司樂位於北懸之間當壇北向設三獻以下門外位

於東墮之外道南向每等異位重行北面西上設酒尊

之位於壇上東南隅北向西上犧樽二象尊二山罍二

尊皆加勺罍有坫以置爵

設洗於壇南陞東南北向罍水在洗東篚

在洗西南肆執樽罍篚冪者各位於樽罍篚冪之後設

幣篚於壇上樽坫之所晡後內謁者帥其屬以樽罍篚

冪入設於位

升壇者自東陞

享日未明十五刻太官令帥宰人以

鸞刀割牲祝史以豆取毛血置于饌所

其神厨及諸司供事便次守宮

與金吾相之量于壇東張設

享日未明五刻司設服其服升設先蠶

氏神座于壇上北方南向席以莞設神位于坐首

饋享

享日未明三刻諸享官各服其服女史及司醢各帥其

屬入實樽壘及幣

犧尊寔以醴齊象尊寔以盎齊山罍寔以清酒齊加明水酒加玄酒各寔

于上尊其幣以黑

太官令寔諸籩豆簋簋俎等內謁者帥其

屬詣厨奉饌入設於饌幔內

內侍之屬與司膳等守掌之其三牲之肉不上神俎

者亦太官付內謁者同時進入以供頒昨自餘享之物並諸司前一日預進

質明女相者引

享官以下就壇外位

女相者皆以尚儀下女史先

掌贊帥女史先入

就位女相者引典正女祝及女史女祝史

女祝以典贊下
充女祝史以典

正下
充之

與女執尊罍篚幕者入自東門當壇南北面西上立

定掌贊曰再拜女史承傳

凡掌贊有詞
女史皆承傳

典正以下皆再拜

典正以下各就位司樂帥女工人入就位女相者各引享

官入就位立定掌贊曰再拜在位者皆再拜女相者進尚

宮之左白有司謹具請行事退復位典樂跪舉麾

凡取物
者亦跪

而取以典奠物皆
跪奠訖而後興

鼓祝奏永和之樂以姑洗之均

自後壇
下之樂

皆奏
姑洗

三成偃麾戛敔樂止

凡樂皆典樂舉麾工鼓祝
而後作偃麾戛敔而後止

掌贊

曰再拜在位者皆再拜女祝跪取幣於篚興立于尊所女相者引尚宮詣壇升自南陛北面立女祝奉幣東向進尚宮受幣登歌作肅和之樂以南呂之均女相者引尚宮進北向跪奠於神坐興女相者引尚宮少退北向再拜訖登歌止女相者引尚宮降自南陛還本位初享官以下拜訖女祝史奉毛血之豆立於內壝東門外於登歌止女祝史奉毛血入升自南陛女祝迎引於壇上進跪奠於神坐前興女祝史退立於尊所尚宮既升奠幣司膳出帥女

進饌者奉饌陳於內壝東門之外尚宮既降復位司膳

引饌入俎初入門雍和之樂作

自後酌獻皆奏雍和

饌至陞樂止

女祝史進跪徹毛血之豆降自東陞以出饌升自南陞

女祝迎引於壇上設於神坐前

籩豆蓋纂先徹乃升籩簋既奠却具蓋於下

設訖司膳帥女進饌者降自東陞復位女祝還尊所女

相者引尚宮詣盥洗盥手洗爵訖女相者引尚宮升自

南陞詣犧尊所執尊者舉纂尚宮酌醴齊樂作女相者

引尚宮進先蠶氏神坐前北向跪奠爵興女相者引尚

宮少退北向立樂止女祝持版進于神坐之右東向跪
讀祝文曰維某年歲次月朔日子皇后某氏謹遣某官
妾姓敗昭告于先蠶氏惟神肇興蠶織功濟黔黎爰擇
嘉時式遵令典謹以制幣犧齊粢盛庶品明薦于神尚
饗訖興尚宮再拜初讀祝文訖樂作女祝進跪奠版于
神坐興還尊所尚宮再拜訖樂止女祝以爵酌鬯福酒
進於尚宮之右西向立尚宮再拜受爵跪祭酒啐酒奠
爵興女史帥女進饌者侍遵俎進女祝減神坐前三牲

胙肉

皆取前脚第二骨

各置一俎又以籩取稷黍飯共置一籩

女祝先以飯籩西向進尚宮受以授女進饌者女祝又以胙俎以次進尚宮每受以授女進饌者尚宮跪取爵遂飲卒爵女祝進受爵復於牀尚宮興再拜女相者引尚宮降復位初尚宮獻將畢女相者引尚儀詣罍洗盥手洗爵訖升自東陞詣象尊所執尊者舉罍尚儀酌盎齊女相者引進神坐前北面跪奠爵興女相者引尚儀少退北向再拜女祝以爵酌罍福酒持進尚儀之右西

向立尚儀再拜受爵跪祭酒遂飲卒爵女祝進受爵復於牀尚儀再拜女祝等引自東陞降復位初尚儀獻將畢又女相引尚食詣壘洗盥手洗爵升酌盞齊終獻皆如亞獻之儀訖女相者引降復位女祝進跪徹豆興還樽所

徹者籩豆各一少移于故處

掌贊曰賜

胙女史唱衆官再拜衆官在位者皆再拜

已飲福受胙者不拜

永和之樂

作掌贊曰再拜在位者皆再拜訖樂一成止女相者進尚宮之左白請就望瘞位女相者引尚宮就望瘞位掌贊女史轉就瘞瑁西南位東向立於衆官將拜女史執篚進神座前跪取幣興降

西南位東向立於衆官將拜女史執篚進神坐前跪取幣興降自南陞西行詣瘞埒以幣置於埒訖掌贊曰可瘞埒東西各四人寘土半埒女相者進尚宮之左白禮畢女相者引尚宮出又女相者引享官以次出初白禮畢掌贊帥女史還本位典正女史以下俱復執事位立定掌贊曰再拜典正以下皆再拜訖引出女工人以次出其祝版燔于齋所其祝版郊社令預送付內侍享前一日內侍進御署訖皇后北面再拜近侍奉版出授內

侍送享所享前之平明女祝以版奠於坫

大唐開元禮卷四十九

欽定四庫全書

大唐開元禮卷五十

唐 蕭嵩等 撰

吉禮

有司享先代帝王

前享五日諸享官各散齋三日於正寢致齋二日於其廟

所

無廟者祭於壇具壇制准州社壇

散齋理事如舊唯不弔喪問疾不作樂

不判署刑殺文書不行刑罰不預穢惡致齋唯享事得行

其餘悉斷其祭官已齋而闕者通攝行事

其祭官以當州長官充以次通取

諸享官致齋之日給酒食及明衣各習禮於齋所前一日所

管縣官清掃內外整拂神坐

無廟者享日未明縣官帥其屬詣壇東陞升設神坐于壇上

近北南向席以莞已後陳設行事皆依准在廟之位

設配坐於神坐東南西向席以

莞又為瘞坎于廟後土地方深取足容物贊禮者設初獻位

於東階東南亞獻終獻位於初獻之南少退俱西面北上設

掌事者位于終獻東南重行西向以北為上設贊唱者位於

終獻西南西向北上設望瘞位於廟堂東北西向又設贊唱者

位於瘞埽東北南向東上設享官以下位於南門之外道

東重行西向以北為上

無廟者即設享官以下位於壇東壝門之外道南重行北向西

上祭器之數每坐樽六盞十豆十簋二簠二鉶三俎三

縣官帥其屬升設尊於廟堂上前楹間室戶之外北向

正坐之樽在西配坐之樽在東

樽皆加勺幕有站以置爵正坐爵一配坐爵四

設幣篚於樽所設洗於東階東南北向東西當東雷南

北以堂深壘水在洗東篚在洗西南肆實爵三巾二在

篚加勺幕執尊壘洗篚者各位於尊壘洗篚之後享日

未明烹牲於厨夙興掌饌者實祭器

牲體牛羊豕皆載右脾前脚三節節

一段皆載之後脚三節節一段去上節載下二節又取正脊脰脊橫脊正脅代脅短脅各二骨以並餘皆不設蓋實稷黍簠實稻粱籩十實石鹽乾魚棗栗榛菱芡鹿脯白餅黑餅豆十實韭菹醯醢菁菹鹿醢芹菹兔醢笋俎魚醢脾析菹豚胎若土無諸享官以下各服祭服

三品毳冕四品絺冕五品玄冕

六品以下爵弁縣官帥其屬入實樽罍及幣

每坐之尊一實醴齊一實盎齊一實清酒

其玄酒各實於上尊幣用帛長一丈八尺色用白

祝版各置於坫贊唱者先就

位祝與執尊罍篚者入立於庭重行北面以西為上立

定贊唱者曰再拜祝以下俱再拜執尊者升自東階

增則

升自東階

立於尊所執尊罍篚者各就位升自東階行掃

以後准此

除於上降行掃除於下訖各引就位質明贊禮者引享

官以下俱就門外位少頃贊禮者引享官以下以次入

就位立定贊唱者曰再拜在位者皆再拜贊禮者進初

獻之左白有司謹具請行事退復位祝跪取幣於篚各

立於尊所

凡取物者皆俛伏跪取而後興
奠物則跪奠訖俛伏而後興

掌饌者帥執

饌者奉饌陳於南門之外

壇則奉饌陳於東壝門外贊禮者引初獻

升自東階

壇則升自南陛已後
初獻升降皆准此

進當神坐前北面立祝

以幣東向進初獻受幣祝還尊所贊禮者引初獻入跪

奠於神坐興出戶北向再拜贊禮者引初獻入當配坐
西壁下東面立祝以幣北向進初獻受幣祝還樽所贊
禮者引初獻進東面跪奠於配坐興退復位東面再拜
贊禮者引初獻降復位掌饌者引饌入升自東階

壇則升自

南祝迎引於階上各設於神坐前掌饌者帥執饌者各
復本位祝還尊所贊禮者引初獻詣罍洗盥手洗爵升
自東階詣酒尊所執尊者舉罍初獻酌醴齊贊禮者引
初獻入詣神坐前北向跪奠爵興出戶北向立祝持版

進於神坐之右東面跪讀祝文訖興初獻再拜祝進跪
奠版於神坐興還尊所贊禮者引初獻詣配坐酒尊所
取爵於坫執尊者舉罍初獻酌醴齊贊禮者引初獻入
東面跪奠於配坐前興退立於西壁下東面立祝持版
入立於配坐之左北面跪讀祝文訖興初獻再拜祝進
跪奠版於配坐興還尊所贊禮者引初獻出戶北向立
各以爵酌清酒合置一爵一祝持爵進初獻之右西向
立初獻再拜受爵跪祭酒啐酒奠爵興祝各帥執饌者

以俎跪減神坐前三牲胙肉

各取前脚第二骨

共置一俎上以

授初獻初獻受以授掌饌者初獻跪取爵遂飲卒爵祝
受爵復於坫初獻興再拜贊禮者引初獻降復位於初
獻飲福贊禮者引亞獻詣罍盥手洗爵升自東階詣
酒尊所執尊者舉罍亞獻酌盥齊贊禮者引亞獻入詣
神坐前北向跪奠爵興出戶北向再拜贊禮者引亞獻
詣配坐酒尊所取爵於坫執尊者舉罍亞獻酌盥齊
贊禮者引亞獻入詣配坐前東面跪奠爵興退於西壁

下東面再拜出戶北向立祝各以爵酌清酒合置一爵
一祝持爵進于亞獻之右西面立亞獻再拜受爵跪
祭酒遂飲卒爵祝受爵復於坵亞獻興再拜贊禮者引
亞獻降復位初亞獻獻將畢贊禮者引終獻盥洗升獻
飲福如亞獻之儀訖贊禮者引終獻降復位祝各進神
坐前跪徹豆興還樽所徹者遷豆各一少移于故處贊唱者曰再拜
非飲福受酢者皆再拜再拜訖贊唱者又曰再拜獻官已下皆再
拜贊禮者進初獻之左白請就望座位贊禮者引初獻就

望座位西向立贊唱者轉立於望座東北位初獻官拜

訖祝各進神坐前跪取幣興降自西階

壇則降自南陛

詣座

北南面以幣置於坎贊唱曰可瘞炤東西面各二人寘

土半炤贊禮者進初獻之左白禮畢遂引初獻以下出

贊唱者還本位祝與執尊壘者俱復執事位立定贊唱

者曰再拜祝以下皆再拜以出祝版焚於齋所 帝饗祭

文維某年歲次月朔日子嗣開元神武皇帝諱謹遣具官

姓名敢昭告于帝高辛氏惟帝能序三辰功施萬物式

遵祠典敬以犧齊粢盛庶品祇薦于帝高辛氏尚饗

帝堯祝文維某年歲次月朔日子嗣開元神武皇帝諱謹
遣具官姓名敢昭告于帝陶唐氏惟帝則天行化光被
四表式遵祠典敬以制幣犧齊粢盛庶品祇薦于帝陶
唐氏尚饗 配坐祝文維某年歲次月朔日子嗣開元皇帝

遣官姓名敢昭告于唐司徒惟公敬敷五教弘贊彝倫率由
舊章配享於帝陶唐氏敬以制幣犧齊粢盛庶品明薦于唐
司徒公尚饗 帝舜祝文維某年歲次月朔日子嗣開元神

武皇帝諱謹遣具官姓名敢昭告于帝有虞氏惟帝道光七政績宣五典式遵故實敬以制幣犧齊絜盛庶品祗薦于帝有虞氏尚饗 配坐祝文維某年歲次月朔日

子嗣開元神武皇帝諱謹遣具官姓名敢昭告于皐陶氏伏惟爰定五刑載敷九德率由舊典配享于帝有虞氏敬以制幣犧齊絜盛庶品明薦于皐陶氏尚饗 夏禹祝文惟某年歲次月朔日子嗣開元神武皇帝諱謹遣具官姓名敢昭告于夏王禹惟王克平九土功施萬代

式遵故實敬以制幣犧齊粢盛庶品祇薦于夏王禹尚
饗配坐祝文維某年歲次月朔日子嗣開元神武皇帝諱
謹遣具官姓名敢昭告于伯益氏惟公贊敷下土克蕃庶
物率由舊章配享于夏王禹祇以犧齊粢盛庶品明薦
于伯益氏尚饗殷王湯祝文維某年月朔日子嗣開元神武
皇帝諱謹遣具官姓名敢昭告于殷王湯惟王革命黜
暴功濟天下式遵祠典敬以制幣犧齊粢盛庶品祇薦
于殷王湯尚饗配坐祝文維某年歲次月朔日子嗣開元

神武皇帝謹遣具官姓名敢昭告于伊尹氏惟公弼諧
政道功格天地率由故實配享於殷王湯敬以制幣犧
齊染盛庶品明薦于伊尹氏尚饗 周文王祝文維某年歲
次月朔日子嗣開元神武皇帝諱謹遣具官姓名敢昭告于
周文王維王受命作周經緯天地式遵祠典敬以制幣
犧齊染盛庶品祇薦于周文王尚饗 配坐祝文維某年歲
次月朔日子嗣開元神武皇帝遣具官姓名敢昭告于齊太
公惟公純德孔明翼成周室率由舊典配享于周文王敬

以制幣犧齊絜盛庶品明薦于齊太公尚饗 周武王祝文
維某年歲次月朔日子嗣開元神武皇帝謹遣具官姓名敢
昭告于周武王惟王應天順人克定禍亂式遵祠典敬
以制幣犧齊絜盛庶品祇薦于周武王尚饗 配坐祝文維
某年歲次月朔日子嗣開元神武皇帝遣具官姓名敢昭告
于周文公召康公惟公道克十亂功著分陝率由舊典
配享於周武王敬以制幣犧齊絜盛庶品明薦于周文
公召康公尚饗 漢高帝祝文維某年歲次月朔日子嗣開元神

武皇帝諱謹遣具官姓名敢昭告于漢高帝惟帝神武
應期載安區夏式遵祠典敬以制幣犧齊粢盛庶品祗薦
于漢高帝尚饗配坐祝文維某年歲次月朔日子嗣開元神武
皇帝遣具官姓名敢昭告于蕭相國惟公翼成漢業厥
功惟茂率由舊章配享于漢高祖敬以制幣犧齊粢盛
庶品明薦于蕭相國尚饗

大唐開元禮卷五十

欽定四庫全書

史部

大唐開元禮卷

五十一至
六十二

詳校官編修臣曹錫齡

編修臣程嘉謨覆勘

總校官編修臣王燕緒

校對官中書臣吳俊

膳錄監生臣胡觀瀾

欽定四庫全書

大唐開元禮卷五十一

唐 蕭嵩等 撰

吉禮

薦新于太廟

季夏祭中霤于太廟

孟冬祭司寒

納冰開
冰附

興慶宮祭五龍壇

薦新于太廟

薦新之日太廟令帥齋郎灑掃于廟之內外太官預饌所

薦之物于神厨

若有酒者廟司設
尊坩盥洗如常式

謁者引太常卿入立于

門東之內道北面南謁者贊引稱再拜太常卿再拜進

饌者奉饌入自正門升自太階各設於神坐前

蓮豆並
羅徹之

式如訖降自東階以出謁者引太常卿升自東階詣獻祖

室戶前盥洗酌獻訖再拜又再拜

若無酒即
俱再拜

訖謁者引

太常卿復位謁者贊拜太常卿再拜訖謁者引出

冬魚

麋

笋

蒲白

韭

薑

胥豆

小豆

藁荷

菱人

子薑

菱索

春酒

桑落

酒

竹根

梁米

黃米

粳米

糯米

稷米

茄子 甘子 甘蔗 藕 芋子 鷄頭人 苜蓿

蔓菁 胡瓜 冬瓜 瓠子 春魚 水蘇 枸杞

茨子 藕 油麻 櫻桃 麥子 椿頭 蓮子

粟米 榛 李 杏 林檎 橘 椹

菴羅果 棗 兔脾 麋 鹿 野鷄

薦新物皆以品物時新堪供進者所司先送太常令尚
食相與簡擇仍以滋味與新物相宜者配之以薦皆如
上儀

祭中霤

季夏土王日祭中霤于太廟之庭前祭三日諸享官散齋二日子正寢致齋一日於廟所散齋理事如舊唯不弔喪問疾不作樂不判署刑殺文書不行刑罰不預穢惡致齋惟祭事得行其餘悉斷其祭官已齋而闕者通攝行事前祭一日衛尉陳設如常祭日未明十刻太官丞具特牲之饌未明一刻太廟令帥其屬入布神坐於廟庭西四門之內道南東向席以莞設神位于坐首設

酒樽于神坐東南設洗又於酒樽東南俱北向罍水在

洗東篚在西南肆

篚寔以中爵

奉禮設太廟令位於神坐東

南執事者位於其後俱北向西上設門外位皆於東門

之外道南重行北向以西為上質明諸行事之官各服

其服良醞之屬入實樽罍太官丞監寔籩豆簠簋贊引

引太廟令又贊引引執事者俱就門外位太祝與執樽

罍篚罍者先入詣神坐前西向再拜訖各就位立定贊引

引太廟令又贊引引執事者入就位贊引贊拜太廟令

以下皆再拜太官令丞出詣饌所贊引進太廟令之左
白有司謹具請行事退復位太官丞引饌入太祝迎引
于坐首設于神生前訖太官丞以下還本位太祝還樽
所贊引引太廟令詣罍洗盥手洗爵詣酒樽所執樽者
舉罍太廟令酌酒贊引引太廟令進神坐前西向跪奠爵
俛伏興少退西向立太祝持版進於神坐之右北向跪
讀祝文曰維某年歲次月朔日子嗣開元神武皇帝謹遣
具位姓名敢昭告于中霤賴茲保養吐庶以安式荷神

功祇率恒禮爰以特牲鄉合鄉其嘉蔬嘉薦醴酒明祀
于神尚饗訖興太廟令再拜太祝進跪奠版於神坐俛
伏興還樽所太祝以爵酌福酒進太廟令之左北面立
太廟令再拜受爵跪祭酒遂飲卒爵太祝進受爵還
尊所太廟令俛伏興再拜贊引引還本位太祝進跪徹
豆俛伏興還樽所徹者少移于故處太祝與執樽壘篚畢者俱復
位立定贊引贊拜太廟令以下皆再拜贊引進太廟令
之左白禮畢遂引太廟令以下出其祝版燔于齋坊

祭司寒納冰

納冰開水禮附

前三日諸祭官散齋二日於家正寢致齋一日於祭所
右校掃除祭所衛尉陳設如常祭日未明十刻太官丞
具特牲之饌未明一刻郊社丞入布神坐於廟北南向
設神位於坐首又帥其屬設酒樽於神坐東南設洗於酒
樽東南俱北向壘水在洗東壚在洗西南肆壚實以中爵執樽壘壚
者各位於樽壘壚之後上林令設桃弧棘矢於冰室戶內之
右祭記遂奉禮設上林令位於神坐東南執事者陪其

留之

後俱重行西向以北為上質明上林令以下各服其服
郊社丞良醢令之屬入實樽罍太官丞監實籩豆簋簠
贊引引上林令又贊引引執事者俱就門外位立定太
祝與執樽罍籩者先入立於神前北向俱再拜訖各就位贊
引引上林令又贊引引執事者俱入就位立定贊引贊拜上林
令以下皆再拜太官丞出詣饌所贊引進上林令之左白有
司謹具請行事退復位太官丞引饌入太祝迎于坐首
設於神座前訖太官丞以下還本位太祝還樽所贊引引

上林令盥手洗爵詣酒樽所執樽者舉罍上林令酌酒
贊引引上林令進神坐北向跪奠爵俛伏興少退北向
立太祝持版進于神坐之右東面跪讀祝文曰維某
年歲次十月朔日開元神武皇帝謹遣某官姓名昭告
於玄冥之神順茲時令增冰堅厚式遵常典將納凌陰
謹以玄牡秬黍嘉薦清酌明祀于神尚饗訖興上林令
再拜太祝進跪奠版于神坐俛伏興還樽所太祝以爵
酌福酒進上林令之右西向立上林令再拜受爵跪祭

酒遂飲卒爵太祝進受爵復于樽所上林令跪俛伏興

再拜贊引引還本位太祝進跪徹豆俛伏興還樽所徹者

少移于故處太祝與執樽罍篚者俱復位立定贊引贊拜上

林令以下皆再拜贊引進上林令之左白禮畢贊引引上林令以下出其祝版燔於齋坊

興慶宮祭五龍壇

將祭有司筮日如別儀前祀三日諸預祭之官散齋二

日致齋一日

散齋於寢致齋於祀所

散齋理事如舊惟不弔喪問

疾不作樂不行刑罰不判署刑殺文書不預穢惡致齋惟祭事得行其餘悉斷其祭官已齋而闕者通攝行事前祭二日守宮設祭官次於東壝之外道南北向以西為上設陳饌幔於內壝東門之外道南北向太樂令設判懸之樂於壇南右校掃除壇之内外前祀一日晡後一刻諸衛令其屬各以其方器服守衛壝門清齋一宿奉禮設獻官位於南壝東南南向執事位於獻官東南俱西向北上設奉禮位於獻官西南贊者二人在南差退設祭官以下門外

位於東牆之外道南每等異位重行北向以西為上郊社

令帥齋郎設散樽五龍各二於壇上東南隅北向西上尊皆

加勺羶有設洗於壇東南北向罍水在洗東篚在洗西南

肆篚實執樽罍篚羶者各位於樽罍篚羶之後祀日未明

十五刻太官令帥宰人以鸞刀烹牲於厨牲以未明二刻

郊社令帥齋郎各服其服升設五龍坐于壇上近北南向

東上席以莞設神位各於坐首未明一刻祭官以上各服

其服郊社令與良醢之屬入實樽罍太祝以幣置于篚太

官令帥進饌者實諸籩豆簋簠等設于饌幔內質明謁者引獻官以下就門外位奉禮帥贊者先入就位執樽罍篚纂者入當壇南重行北向以西為上立定奉禮曰再拜贊者承傳執樽罍篚纂者皆再拜訖執樽罍篚纂者自東陞升立于樽所各就位太樂令帥工人入就位謁者進獻官之左白有司謹具請行事退復位協律郎跪俛伏舉麾鼓祝乃以姑洗之均樂舞三成偃麾戛敔樂止奉禮曰衆官再拜在位者皆再拜訖復位太祝取幣於篚立于樽所太

官令帥進饌者奉饌陳於東門外謁者引獻官詣南陛
升北向立太祝以幣授獻官獻官受幣登歌作以南呂
之均謁者引獻官進北面跪奠於青龍之坐前諸坐皆
太祝助奠俱畢獻官再拜訖登歌止謁者引獻官降自南
陛還本位太官令引饌入升自南階太祝迎引于壇上
設饌於神坐訖降復位謁者引獻官詣壘洗盥手洗爵
訖引升南陛詣壘所執樽者舉罍獻官酌酒謁者引進
神坐前北向跪奠爵于青龍之坐太祝等助奠諸坐俱

畢少退向北立太祝持版進于青龍坐之右東向跪讀祝文

訖

祝文臨時製撰

獻官再拜太祝進跪奠版于神坐俛伏興還樽所太

祝以爵酌鬯福酒進獻官之右西向立獻官再拜受爵

跪祭酒奠爵興太祝帥齋郎進俎太祝跪減神前胙肉

興以授獻官獻官受以授齋郎獻官跪取爵遂飲卒爵

太祝進受爵復于坫獻官再拜謁者引降復位太祝跪

徹豆俛伏興還樽所奉禮曰賜胙贊者唱衆官再拜在

位者皆再拜

獻官不拜

奉禮又曰再拜在位者俱再拜謁者進

獻官之左白禮畢遂引獻官以下出太祝以下復執事

位立定奉禮曰再拜太祝再拜訖其祝版燔於齋所

如沈

王於川臨時
別取進止

大唐開元禮卷五十一

欽定四庫全書

大唐開元禮卷五十二

唐 蕭嵩等 撰

吉禮

皇帝視學

視學前一日所司灑掃學堂之內外尚舍設大次於學堂之後守宮設皇太子次于大次之東皆隨地之宜並如常儀尚舍設御坐于學堂上北壁下當中南向監司設講榻於御坐之西南向設執讀坐于前楹間當講榻

北向尚舍又設皇太子坐於御坐東南西向設文官三品以上坐於皇太子之南少退重行西面北上設武官三品以上坐於講榻西南當文官重行東面北上設侍

講坐於執讀西北武官之前東面北上

其執如意者一人立于侍講之

南東面設論議坐於講榻之前北面三館學官坐於武官

之後設脫履席於西階下典儀設版位皇太子於東階東南西面執經於西階西南東面文官三品以上于皇太子東南重行西面北上武官三品以上於執經西南侍講執讀執如意等于

執經之後皆重行東面北上學生分位于文武官之後皆重行
北上設典儀位於東階之西贊者二人在南差退俱西向

出宮

前出宮三日本司宣攝內外各供其職其日應從駕文武
官依時刻俱集朝堂諸衛陳設仗衛侍中版奏外辦
皇帝乘馬文武侍從並如常行幸之儀駕將至祭酒帥
監官學官學生等奉迎於路左

學生青
衿服

駕至大次門外

降入如常

視學

皇帝既入大次執經侍講執讀執如意等及學官各服公服典儀帥贊者先入就位謁者贊引引文武三品以上及執經以下學官等入就堂下位皇太子立於學堂門外之東西向侍衛如常侍中版奏外辦皇帝出大次升自北階即御坐南向坐侍臣及近侍量人從升典儀一人升就東階上西面立舍人引皇太子就位立

諸衛率庶子等

量人從入立于皇太子東南西面北上

奉禮曰再拜贊者承傳皇太子以

下在位者皆再拜侍中跪奏稱請勅皇太子及王公等
升坐又侍中稱制曰可侍中詣東階上西面稱勅皇太子
及公王等升殿上典儀承傳階下贊者又承傳皇太子
以下應坐者皆再拜訖通事舍人引皇太子及羣官應
坐者各升坐訖其公服者脫履于階下及降納皆如常儀執讀讀所講經執經
釋義訖遂行如意侍講者執如意就論議坐以次論難
訖侍中跪奏禮畢群官皆起通事舍人各降堂下位若
有勅賜會則侍中前承制降詣堂下宣勅及太官下食

案等並如常儀皇帝降坐還大次侍衛如常儀羣官以下會訖皆出執經以下改服常服

學生仍青衿服

車駕還宮

皇帝既還大次侍中量時刻版奏外辦皇帝出次文武官陪從還宮如來儀初駕出國子祭酒帥監官學官學生等奉辭于路左如常式

大唐開元禮卷五十二

欽定四庫全書

大唐開元禮卷五十三

唐 蕭嵩等 撰

吉禮

皇太子釋奠於孔宣父

皇太子散齋三日於別殿致齋二日於正殿前致齋一

日典設郎設皇太子幄坐於正殿東序及室內俱西向

又張帷於前楹下

殿若無室張帷為之

致齋之日質明諸衛率各

勒所部屯門列仗如常晝漏上水一刻左庶子版奏請

中嚴近仗就陳于閣外通事舍人引宮臣文武七品以上袴褶陪位如式諸侍衛之官各服其器服諸侍臣並結珮俱詣閣奉迎左庶子版奏外辦上水三刻皇太子服通天冠絳紗袍結珮以出侍衛如常皇太子即位西向坐侍臣夾侍如常一頃刻左庶子前跪奏稱左庶子臣某言請降就齋室俛伏興還侍位皇太子降坐入室文武侍臣各還本司直衛者如常典謁引陪位以次出凡預享之官散齋三日致齋二日

散齋皆于正寢致齋一日于本司一日于享所其無本司者皆于享所

近侍

之官應從升者及從享羣官監官學生等各于本司及學
官俱清齋一宿散齋理事如舊惟不弔喪問疾不作樂
不判署刑殺文書不行刑罰不預穢惡致齋唯享事得
行其餘悉斷其享官已齋而闕者通攝行事諸享官致
齋之日給酒食及明衣各習禮于齋所太官令取明水
火取水于陰鑒取火于陽
燧火以供爨水以寔尊前享一日諸衛令其屬未後
一刻各以其方器服守衛廟門及太樂工人俱清齋一
宿

陳設

前享三日典設郎設皇太子便次于廟東西向又設便次於學堂之後隨地之宜守宮設文武侍臣次各于便次之後文左武右設諸享官次于齋坊之內從享之官于廟東門之外隨地之宜前享二日太樂令設軒懸之樂于廟庭東方西方磬簾起北鐘簾次之南方北方磬簾起西鐘簾次之設三罇鐘於編懸之間各依辰位樹路鼓于北懸之間道之左右植建鼓于三隅置祝敔于

懸內机在左欽在右設歌鐘歌磬於廟堂之上前楹間北向磬簾在西鐘簾在東其匏竹者立於堂下階間重

行北向相對為首

凡懸皆展而編之

諸工人各位於懸後右校

掃除內外為瘞塹於院內堂之壬地方深取足容物南出陛前享一日奉禮設皇太子位於東陛東南西向又設望瘞位于廟堂東北當埋塹西向設亞獻終獻位于皇太子東南執事者於其後俱重行西向北上設御史位於廟堂之下西南東向令史陪其後設奉禮位於樂懸東北

贊者二人在南差退俱西面又設奉禮贊者位於埋堦東北南面東上設協律郎位于廟楹近西之間東向設太樂令位於北懸之間北向從享群官七品以上位於樂懸之東當執事西向監官學官位於樂懸之西當宮官東向設學生位於宮官監官學官之後俱重行北上設門外位亞獻終獻位于東門之外道南執事位於其後每等異位俱北向西上監官學官位於獻官東南從享官官位於學官之東俱重行北面以西為上設酒樽位于廟堂

之上先聖犧樽二象樽二山罍二在前楹間北向先師

犧樽二象樽二山罍二在先聖酒樽之東俱西向

尊皆加勺

罍有站以置爵其先師之爵同置于一站

設洗於東階東南亞獻之洗又於

東南俱北向罍水在洗東篚在洗西南肆執樽罍篚罍

者各于樽罍篚罍之後設幣篚二各於樽站之所典設

郎設皇太子坐於學堂之上東壁下西向監司設講榻

於北壁下南向又設執讀者坐於前楹間當講榻北向

守宮設太傅少傅坐於皇太子西北面皆東上

若有令詹事以

下坐則說坐于皇太

侍講者坐於執讀西北

執如意者一人立于

于西南北向東上

侍講之西

三館學官非侍講者坐於侍講之西北面東上若

有上臺三品以上觀講者設坐於侍講之北南面東上
設論義坐於講榻之前近南北面設脫履席於西階之
南東向掌儀設版位官官七品以上於東階東南西向
北上執經侍講等於西階西南監官及學官非侍講者于
侍講之後若有上臺三品以上觀講者位於執經之北
少退重行皆東面北上學生分位於官官學官之後皆

重行北上設掌儀位於宮官西北贊者二人在南皆西

向脯後郊社令帥齋郎以樽坩罍洗篚罍入設於位升堂

者自東階謁者引司業詣厨視濯漑凡導引者每曲一逡巡贊引引御

史詣厨省饌具司業以下每事訖各還齋所享日未明十五刻太官

令帥宰人以鸞刀割牲祝史以豆二取毛血置于饌所

遂烹牲其牲用太牢二正坐及先師首坐俎皆升右胖十一體左丘明以下折分餘體升之未明五

刻郊社令帥其屬及廟司各服其服升設先聖神坐於

堂上西楹間東向設先師神坐於先聖神坐東北南向

西上

若前堂不容則又于室外之東屋陳而北東向南上

席皆以莞設神坐各于

坐首

出宮

前出宮二日本司宣攝內外各供具職守宮設從事宮
官次於東宮朝堂如常其日未明所司依鹵簿陳設於
重明門外奉禮設從事宮官位於東宮廟堂如常文武
宮臣七品以上依時刻俱集於次各服公服諸衛率各勒
所部陳設如式左庶子版奏請中嚴典謁引宮官各就

位諸侍衛之官各服其器服

左庶子負璽如式

俱詣閣奉迎僕

進軺車於西閣外南向

若須乘輦則聽臨時進止

內率一人執刀立

於車前北向中允一人在侍臣之前贊者二人在中允

前左庶子版奏外辦僕奮衣而升正立執轡皇太子著

具服遠遊冠乘輿以出左右侍衛如常儀內率執轡皇

太子升車僕立授綏左庶子以下夾侍如常儀中允進

當車前奏稱請發引俛伏興退復位

凡中允奏請皆當車前跪奏稱具官

某言訖俛伏興

車動中允與贊者夾引以出內率夾車而趨出重

明門至侍臣上馬所中允奏稱請車權停令侍臣上馬左庶子前承令退稱令曰諾中允退稱侍臣上馬贊者承傳文武侍臣皆上馬庶子以下夾侍於車前贊者在供奉官人內侍臣上馬畢中允奏稱請令車右升左庶子前承令退稱令曰諾中允退復位內率升訖中允奏請發引退復位皇太子車動太傅乘車訓導少傅乘車訓從出延喜門不鳴鼓吹從享宮臣乘馬陪從如常儀

饋享

享日未明三刻諸享官各服祭服諸陪祭之官皆公服

學生青衿服郊社令良醞令各帥其屬入實樽罍及幣

犧尊實以醴齊象樽實以盎齊山罍實以清酒齊皆加明水酒加玄酒各實于上尊其幣以白各長一丈八尺太官令

帥其屬實諸籩豆簠簋俎等未明二刻奉禮帥贊者先

入就位贊引引御史太祝及令史祝史與執樽罍篚

者入自東門當階間重行北面西上立定奉禮曰再拜

贊者承傳

凡贊禮有詞贊者皆承傳

御史以下皆再拜訖執樽罍篚

者各就位贊引引御史太祝詣東階升堂行掃除於上

令史祝史行掃除於下訖降還齋所奉禮以下次還齋
所皇太子將至謁者贊引各引享官及從享學官俱就
門外位學生皆就門內位皇太子至孔子廟門外迴車
南向內內率降立於車左右庶子進當車前跪奏稱左
庶子臣某言請降車還侍位皇太子降車乘輿之便次侍
衛如常儀郊社令以祝版進皇太子署訖近臣奉出郊社
令受各奠於圻未明一刻謁者贊引引從享官官就
門外位奉禮帥贊者先入就位贊引引御史以下入就

位太樂令帥工人二舞次入就位文舞入陳於懸內武

舞立於懸南道西

其升堂者皆脫履于下降納如常

謁者引祭酒入就

位立定奉禮曰再拜祭酒再拜訖謁者引祭酒詣東階

升堂行掃除於上降行樂懸於下訖引還本位初祭酒

行樂懸謁者贊引各引祭官及陪祭之官次入就位皇太子

停便次半刻頃率更令立於便次門外當門東向左庶子

版奏外辨皇太子出便次侍衛如常儀率更令引皇太

子至廟東門中允進笏皇太子執笏近侍者從入如常

儀皇太子至版位西向立

每立定率更令退立于左

率更令前啟再拜

退復位皇太子再拜奉禮曰衆官再拜衆官在位者皆

再拜

其先拜者不拜

率更令前啟有司謹具請行事退復位協

律郎跪俛伏舉麾鼓祝奏永和之樂以姑洗之均

自後堂下接神之樂

皆奏姑洗

大舞之舞樂舞三成偃麾戛鼓樂止

凡樂皆協律郎舉麾工鼓

祝而後作偃麾戛鼓而止

率更令前啟再拜退復位皇太子再拜奉

禮曰衆官再拜衆官在位者及學生皆再拜太祝各跪

取幣於篚立於樽所率更令引皇太子永和之樂作

皇太

子每行皆作永和之樂

皇太子自東階升左庶子以下及左右侍衛

量人從升

以下皆如之

皇太子升堂進先聖神坐前西向立

樂止太祝以幣授左庶子左庶子奉幣北向進皇太子

搢笏受幣

每受物搢笏奠訖執笏俛伏興

登歌作肅和之樂以南呂之

均率更令引皇太子少退西向再拜訖率更令引皇太

子進先師首坐前北向立又太祝以幣授左庶子左庶

子奉幣西向進皇太子受幣率更令引皇太子進北向

跪奠於先師坐首俛伏興率更令引皇太子少退北向

再拜登歌止率更令引皇太子樂作皇太子降自東階
還版位西向立樂止初羣官拜訖祝史各奉毛血之豆
立東門外于登歌止祝史奉毛血升自東階太祝迎取
於階上進奠於先聖及先師首坐前太祝與祝史退立
於樽所初皇太子既升奠幣太官令出帥進饌者奉饌
陳於東門之外初皇太子既至位樂止太官令引饌入俎初
入門奏雍和之樂自後酌獻皆奏雍和饌至階樂止祝史各進跪
徹毛血之豆降自東階以出饌升太祝迎引於階上各

設於神坐前

蓮豆蓋畢先徹乃升簋
簋既奠却其蓋于下

設訖太官令以下

降復位太祝還樽所率更令引皇太子詣罍洗樂作皇
太子至罍洗樂止左庶子跪取匱興沃水又左庶子跪
取盤承水皇太子盥手中允跪取巾於篚興進皇太子
盥手訖中允受巾跪奠於篚遂取爵於篚興進皇太子
受爵左庶子酌罍水又左庶子奉盤皇太子洗爵中允
又授巾如初皇太子拭爵訖左庶子奠盤匱中允受巾
奠於篚皆如常率更令引太子樂作至先聖酒樽所執

樽者舉罍左庶子贊酌酒齊訖樂作率更令引皇太子進
先聖神坐前西向跪奠爵俛伏興率更令引皇太子少
退西向立樂止太祝持版進於神坐之右北面跪讀祝文
曰維某年歲次月朔日子皇太子敢昭告於先聖孔宣
父惟夫子固天攸縱誕降生知經緯禮樂闡揚文教餘
烈遺風千載是仰俾茲末學依仁游藝謹以制幣犧齊
粢盛庶品祇奉舊章式陳明薦以先師顏子等配尚饗
訖興皇太子再拜初讀祝文訖樂作太祝進跪奠版于

神坐興還樽所皇太子拜訖樂止率更令引至先師酒

樽所執樽者舉冪左庶子取爵於坫進皇太子受爵左

庶子贊酌醴齊樂作率更令引進先師首坐前北向跪奠

爵俛伏興皇太子少退北向立樂止

皇太子既奠首坐爵餘坐皆齊郎助

奠相次而畢其亞獻終獻齊郎助奠亦如之

太祝持版進於先師神坐之左

西面跪讀祝文曰維某年歲次月朔日子皇太子某敢

昭告於先師顏子等七十二賢爰以仲春

仲秋

率遵故典

敬修釋奠於先聖孔子宣父惟子等或服膺聖教德冠四

科或先闡儒風貽範千載謹以制幣犧齊粢盛庶品式陳
明獻從祀配神尚饗訖興皇太子再拜初讀祝文訖樂
作太祝進跪奠版於神坐興還樽所皇太子拜訖樂止
率更令引皇太子詣東序西向立樂作太祝各以爵酌
上樽福酒合置一爵一太祝持爵授左庶子奉爵北向
進皇太子再拜受爵跪祭酒啐酒奠爵興太祝各帥齋
郎進俎太祝跪減先聖及先師首坐前三牲胙肉皆取前脚
第二骨加於俎又以籩取稷黍飯興以胙肉各共置一俎

上又以飯共置一簋太祝授左庶子左庶子奉飯北向
進皇太子受以授左右太祝以俎授左庶子左庶子以次
奉進皇太子每受以授左右訖皇太子跪取爵遂飲卒
爵左庶子進受爵以授太祝復於坫皇太子俛伏興再
拜樂止率更令引皇太子樂作皇太子降自東階還版
位西向立樂止文舞出鼓祝作舒和之樂出訖戛敔樂
止武舞入鼓祝作舒和之樂立定戛敔樂止初皇太子
將復位謁者引國子祭酒詣罍洗盥手洗爵訖謁者引

祭酒升自東階詣先聖酒樽所執樽者舉罍祭酒酌盞
齊訖武舞作謁者引祭酒進先聖神坐前西向跪奠爵
興謁者引祭酒少退西向再拜謁者引祭酒詣先師酒
樽所取爵於坫執樽者舉罍祭酒酌盞齊謁者引祭酒進先
師首坐前北向跪奠爵興謁者引祭酒少退北向再拜
訖謁者引祭酒詣東序西向立太祝各以爵酌壘福酒
合置一爵一太祝持爵進祭酒之左北向立祭酒再拜
受爵跪祭酒遂飲卒爵太祝進受爵復于坫祭酒興再

拜謁者引祭酒降復位初祭酒獻將畢謁者引司業詣壘

洗盥洗訖升酌盞齊終獻如亞獻之儀訖謁者引司業

降復位武舞止太祝等各進跪徹豆興還樽所徹者還
豆各一

少移于
故處奉禮曰賜胙贊者唱衆官再拜衆官在位者及

學生皆再拜已飲福
者不拜永和之樂作率更令前啟再拜退

復位皇太子再拜奉禮曰衆官再拜衆官在位者及學

生皆再拜樂一成止率更令前啟請就望座位率更令

引皇太子就座位西向立奉禮率贊者轉就座堦東北

位初在位者將拜太祝各執篚進神坐前跪以篚取幣降
自西階詣瘞塹以幣置於塹訖奉禮曰可瘞塹東西廂各
四人寘土半塹率更令前啟禮畢率更令引皇太子還便
次樂作皇太子出門樂止中允進受笏侍衛如常儀謁者
贊引各引亞獻以下以次出初白禮畢奉禮帥贊者還本
位贊引引御史以下俱復執事位立定奉禮曰再拜御史
以下皆再拜訖贊引引出學生以次出其祝版燔於齋坊

講學

皇太子既入便次改服常服執經侍講執讀執如意及
三館學官並公服學生青衿服餘皆常服掌儀帥贊者
先入就位謁者各引羣官及學生等次入就位左庶子
版奏外辦皇太子乘輿出便次若須乘馬臨時聽進止侍衛如常
儀至學堂後降輿升自北階即座坐左右侍衛量人從升太傅少傅亦就座

生掌儀曰再拜贊者承傳群官及學生等在位者皆再

拜

執經不拜

左庶子跪奏請令執經等升俛伏興又左庶子稱

令曰諾左庶子退降詣西階下立於執經等之前北面宣

令曰執經以下並升坐應坐者並再拜執經不拜通事舍人

引執經以下升各就座坐

其升坐者脫履如式

訖執讀讀所講經執

經釋義訖執如意者以如意授侍講侍講興受進詣論議坐

北面問所疑執經者為通之訖興退以如意授執者退還本

坐執如意者以如意次授諸侍講者皆如上儀總訖左庶

子跪奏禮畢羣官皆起通事舍人各引就堂下位皇太

子降坐降自北階入學堂後便次羣官以次出執經以

下改服常服

學生仍青衿服

還宮

皇太子既入便次左庶子版奏請解嚴

將士不得輒離本位

皇太

子改服公服停次一刻頃槌一鼓為一嚴有司轉仗衛
於還塗如來儀二刻頃又槌二鼓為再嚴左庶子版奏
請中嚴國子祭酒以下學生以上並出就學外道左奉
辭三刻頃又槌三鼓為三嚴僕進輶車于學門外如常
左庶子版奏外辦皇太子乘輿出便次至學門外降輿
乘車侍衛如常左庶子奏請及車右升降侍臣上馬文

武陪從皆如米儀車動鼓吹振作如式至國子祭酒以下奉辭處車權停國子祭酒以下皆再拜通事舍人承令宣勞及拜皆如常車至城隅鼓吹止過廟鼓吹作至延喜門鼓吹止入延喜門鼓吹作至重明門宮官文武俱下馬皇太子乘車入太傅少傅還皇太子至殿前迴車南向左庶子跪奏請降車乘輿入侍臣從至閣左庶子版奏請解嚴將士還本所

大唐開元禮卷五十三

欽定四庫全書

大唐開元禮卷五十四

唐 蕭嵩等 撰

吉禮

國子釋奠於孔宣父 皇子束脩

學生束脩

國子釋奠於孔宣父

將享司館預申享日本司請下其禮所司隨職供辦凡

預享之官散齋三日致齋二日

散齋皆于正寢致齋二日于本司一日于享所

其無本司者皆于享所

散齋理事如舊惟不弔喪問疾不作樂不

判署刑殺文書不行刑罰不預穢惡致齋惟享事得行

其餘悉斷其享官已齋而闕者通攝行事館官及諸學

生皆清齋于學館一宿諸享官致齋之日給酒食及明

衣各習禮於齋所太官令取明水火

取水于陰鑒取水于陽燧火以供爨

水以實尊前享一日諸衛令其屬未後一刻各以其方器服

守衛廟門及太樂工人俱清齋一宿

陳設

前事三日守衛設獻官以下次于齋坊前事二日太樂
令設軒懸之樂於廟庭東方西方磬簾起北鐘簾次之
南方北方磬簾起西鐘簾次之設三鐃鐘于編懸之間
各依辰位樹路鼓於北懸之間道之左右植建鼓於三
隅置祝敔於懸內祝在左敔在右設歌鐘歌磬於廟堂之上前
楹間北向磬簾在西鐘簾在東其匏竹者立於堂下階間
重行北向相對為首凡懸皆展而編之諸工人各位于懸後右
校掃除内外又為塵垢于院內堂之壬地方深取足容

物南出陞前享一日奉禮設三獻位於東門之內道北執事位於道南每等異位俱西向北上設望瘞位於堂之東北當瘞塙之東西向設御史位於廟堂之下西南東向令陪其後設奉禮位于樂懸東北贊者二人在南差退俱西面又設奉禮贊者位于瘞塙東北南面東上設協律郎位於廟堂上前楹之間近西東向設太樂令位于北懸之間北向設館官位於懸東當執事西向設學官位於懸西當館官東向設學生位于學官館官之後俱重行北上若有觀者設位

於南門之內道左右重行北面對為首

金吾監檢不得喧嘩雜亂

設三獻門外位於東門之外道南執事位於其後每等

異位俱北向西上館官學官位於三獻東南俱重行北

向以西為上設酒樽之位於堂先聖犧尊二象尊二山罍二

在前楹間北面先師犧尊二象尊二山罍二在先聖酒尊之

東俱西向

尊皆加勺罍有站以置爵其先師之爵同置于一站

設洗於東階東南北向罍

水在洗東篚在洗西南肆

篚實以巾爵

執樽罍篚罍者各位於樽

罍篚罍之後設幣篚二於樽站之所晡後二刻郊社令帥齋

郎以樽坩罍洗篚罍入設於位

升堂者自東階

謁者引祭酒司業

詣厨視濯漑

凡導引者每曲一逡巡

贊引引御史詣厨省饌具

祭酒

司業以下每事訖各還齋所

享日未明十五刻太官令帥宰人以鸞

刀割牲祝史以豆二取毛血置于饌所遂烹牲

其牲用太牢二

正坐及先師首坐俎皆升右胖十一體左丘明以下析分餘體升之

未明五刻郊社令帥

其屬及廟司各服其服升設先聖神坐於廟室內西楹

間東向設先師神坐於先聖東北南向其餘弟子冉伯

牛仲弓宰我子貢冉有子路子游子夏閔子騫曾參高

柴宓子賤公西赤林放樊須有若孔忠琴牢梁鱣叔仲會冉
孺曾點陳亢漆雕開商瞿司馬耕子張巫馬施秦非商澤鄭
國公冶長澹臺滅明原憲蘧伯玉公伯寮燕伋秦祖冉季左
人郢公孫龍任不齊南宮縚秦商廉梁步叔乘施常顏之僕
狄黑漆雕哆縣成顏路顏囙公祖句茲伯虔榮旂顏高秦冉
申枏顏辛申黨公皙哀后處曹卹奚容蒧石作蜀壤駟赤漆
雕徒父樂歆等坐及二十一賢左丘明公羊高穀梁赤伏勝
高堂生戴聖毛萇孔安國劉向鄭衆杜子春馬融盧植鄭玄

服虔賈逵何休王肅王弼杜預范甯等坐以次東陳皆南向
若東陳不容則又于東壁屈陳而南西向席皆以莞設神位各於坐首

饋享

享日未明三刻諸享官服其祭服諸陪祭之官皆公服學

生青衿服郊社令良醞令各帥其屬入實樽罍及幣

犧尊

實以醴齊象尊實以盎齊山鼎實以清酒齊加明水酒加玄酒各實于上尊其幣以白長一丈八尺太官

令帥其屬實諸籩豆簋簠等未明二刻奉禮帥贊者先入就位贊引引御史太祝及令史祝史與執樽罍篚

者入自東門當階間重行北面西上立定奉禮曰再拜

贊者承傳

凡奉禮有辭贊者皆承傳

御史以下皆再拜訖執樽罍篚

罍者各就位贊引引御史太祝詣東階升堂行掃除於

上令史祝史行掃除於下訖引就位謁者引享官以下

俱就門外位其學生並入就門內位未明一刻太樂令

帥工人二舞次入就位文舞入陳於懸內武舞立於懸

南道西

其升堂者皆脫履於下降納如常

謁者引司業入就位立定奉

禮曰再拜司業再拜謁者引司業詣東階升堂行掃除

於上降行樂懸於下訖引還本位初司業行掃除訖謁者贊引各引享官以下學官以上次入就位立定奉禮

曰衆官再拜衆官及學生皆再拜其先拜者不拜謁者進祭酒

之左白有司謹具請行事退復位協律郎跪俛伏舉麾凡取

物者皆跪俛伏而取以興奠物則奠訖俛伏而後興鼓祝奏永和之樂以姑洗之

均自後堂下之作文舞之舞樂舞三成偃麾戛鼓樂止樂皆奏姑洗

凡樂皆協律郎舉麾工鼓祝而後作偃麾戛鼓而後止奉禮曰衆官再拜衆官在位

者皆再拜太祝俱跪取幣於篚興各立於尊所謁者引祭

酒升自東階進先聖神坐前西向立太祝以幣授祭酒
受幣登歌作肅和之樂以南呂之均謁者引祭酒進西
向跪奠於先聖神坐興少退西向再拜謁者引祭酒當
先師首坐前北向立又太祝以幣西向授祭酒謁者引
祭酒進北向跪奠於先師首坐前少退北向再拜登歌
止謁者引祭酒降復位初羣官拜訖祝史各奉毛血之
豆立東門外登歌止祝史奉毛血升自東階太祝迎取
於階上進奠於先聖及先師首坐前太祝與祝史退立

於樽所初祭酒既升奠幣太官令出帥進饌者奉饌陳

於東門之外祭酒降復位太官令引饌入俎初入門雍

和之樂作

自後酌獻皆作雍和

饌至階樂止祝史各進跪徹毛血

之豆降自東階以出饌升太祝迎引於階上各設於神

坐前

籩豆蓋罍先徹乃升籩簋既奠却其蓋于下

設訖太官令以下降復位

太祝還樽所謁者引祭酒詣罍洗盥手洗爵訖引升詣

先聖酒樽所執樽者舉罍樂作引祭酒詣先聖神坐前

跪奠爵俛伏興少退西向立樂止太祝持進於神坐之

右北面跪讀祝文曰維某年歲次月朔日皇帝謹遣祭
酒某封姓名敢昭告於先聖孔宣父惟夫子固天攸縱
誕降生知經緯禮樂闡揚文教餘烈遺風千載是仰俾
茲末學依仁游藝謹以制幣犧齊粢盛庶品祇奉舊章
式陳明薦以先師顏子等配尚饗太祝興祭酒再拜初
讀祝文訖樂作又太祝進跪奠版於神坐還樽所祭酒
拜訖樂止謁者引祭酒詣先師酒樽所取爵於坫執樽
者舉罍祭酒酌醴齊樂作謁者引祭酒進先師首坐前

北向跪奠爵興少退北面立樂止

祭酒既奠首坐爵餘坐皆齋郎助奠相次

而下其亞獻終獻齋郎助奠亦如之

太祝持版進於先師神坐之左西向

跪讀祝文曰維某年歲次月朔日子嗣開元神武皇帝

謹遣祭官某姓名敢昭告於先師顏子等七十二賢爰

以仲春

仲秋

率遵故實敬修釋奠於先聖孔宣父惟子等

或服膺聖教德冠四科或光闡儒風貽範千載謹以制

幣犧齋粢盛庶品式陳明薦從祀配神尚饗太祝興祭

酒再拜初讀祝文訖樂作太祝進奠版於神坐還樽所

祭酒拜訖樂止謁者引祭酒詣東序西向立太祝各以爵酌鬯福酒合置一爵一太祝持爵進祭酒之左北向立祭酒再拜受爵啐酒奠爵俛伏興太祝帥齋郎進俎跪減先聖及先師首坐前三牲胙肉皆取前脚第二節加於俎又以籩取稷黍飯興以胙肉各共置一俎又以飯共置一籩太祝先以飯籩授祭酒祭酒受以授齋郎又以俎授祭酒祭酒每受以授齋郎祭酒跪取爵遂飲卒爵太祝受爵復於坫祭酒俛伏興再拜謁者引祭酒降復位文舞出

鼓祝作舒和之樂出訖戛鼓樂止武舞入鼓祝作舒和之樂立定戛鼓樂止初祭酒獻將畢謁者引司業詣罍洗盥手洗爵訖謁者引升自東階詣先師酒樽所執樽者舉幕司業酌盞齊訖武舞作謁者引司業進先聖神坐前西向跪奠爵興謁者引少退西向再拜訖謁者引司業詣先師酒樽所取爵于坵執樽者舉幕司業酌盞齊謁者引司業進先師首坐前北向跪奠爵興少退司業再拜謁者引司業詣東序西向立太祝各以爵酌罍福酒合置一爵

一太祝持爵進司業之左司業再拜受爵跪祭酒遂飲
卒爵太祝進受爵復於坫司業興再拜謁者引降復位
初司業獻將畢謁者引博士詣罍洗盥手洗爵訖升酌
盞齊終獻如亞獻之儀訖引降復位武舞止太祝等各
進跪徹豆興還樽所奉禮曰賜胙胙者不拜贊者唱衆官再拜衆
官在位者及學生皆再拜已飲福受胙者不拜奏永和之樂奉禮
曰衆官再拜衆官在位者及學生皆再拜樂一成止謁
者進祭酒之左白請就望座位謁者引祭酒就望座位

西向立奉禮贊者就瘞堦東北位初在位者將拜諸太祝各執篚進神坐前跪取幣興降自西階詣瘞堦以幣置於堦訖奉禮曰可瘞堦東西廂各四人寘土半堦謁者進祭酒之左白禮畢遂引祭酒出謁者贊引各引享官以下以次出初白禮畢奉禮帥贊者還本位贊引引御史太祝以下俱復執事位立定奉禮曰再拜御史太祝以下皆再拜贊引引出諸學生以次出其祝版燔於齋所

皇子束脩

東帛一筐

五尺

酒一壺

五斛

脩一案

五肘

其日平明皇太子服學生之服

其服青衿

至學門外博士公

服執事者引立於學堂東階下西面相者引皇太子立

於門外東西向

不自同于賓客

陳東帛筐壺酒脯案於皇太子

南當門北向重行西上將命者出立門西東面曰敢請

事皇子少進曰某方受業於先生敢請見將命者入告

博士曰某也不德請皇子無辱

若已封王則云請王無辱

將命出告皇子

曰某不敢為儀敢固請將命者入告博士曰請皇子就位某敢見將命者出告皇子曰某不敢以視賓客請終賜見將命者入告博士曰某辭不得命敢不從將命者出告執篚者以篚東面授皇子皇子執篚博士降俟於東階下西面相者引皇子執事者奉壺酒脯脩案以從皇子入門而左詣西階之南東面奉酒脯者立於皇子西南東面北上皇子跪奠篚再拜博士答拜皇子還避遂進跪取篚相者引皇子進博士前東面授幣奉壺酒脩案者從奠

博士前博士受幣執事者取酒脩幣以東相者引皇子立於階間近北面奉酒脩者出皇子拜訖相者引皇子出

學生束脩

束帛一篚

准令

酒一壺

二斛

脩一案

五觔

其日平明學生青衿服至學門博士公服立於學堂東

階上西面贊者引學生立於門東西面

不自同
于賓客

陳束帛

篚壺脯案於學生西南當門北向重行西上將命者出

立於門西東面曰敢請事學生少進曰某方受業於先生敢請見將命者入告博士曰某也不德請子無辱將命者出告學生曰某不敢為儀敢固請將命者入告博士曰請子就位某敢見將命者出學生曰某不敢以視賓客請終賜見將命者入告博士曰某辭不得命敢不從將命者出告執篋者以篋東面授學生博士降俟於東階下西面贊禮者引學生執酒脯者從之學生入門而左立於西階之南東面執酒脯者立於學生之南東面北上

學生跪奠篚再拜博士答拜學生還避遂進跪取篚贊
禮者引學生進博士前東面授幣執酒脯者從奠博士
前博士受幣贊者取酒脯幣以東執酒脯者出贊禮者
引學生立當階間近南北面再拜贊禮者引出

大唐開元禮卷五十四

欽定四庫全書

大唐開元禮卷五十五

唐 蕭嵩等 撰

吉禮

仲春仲秋釋奠於齊太公

齋戒

將享所司隨職供辦凡預享之官散齋三日致齋二日

散齋皆於正寢致齋二日于本司一散齋理事如舊惟

日于祭所其無本司者皆於祭所

不弔喪問疾不作樂不判署刑殺文書不行刑罰不預

穢惡致齋惟享事得行其餘悉斷其享官已齋而闕者
通攝行事諸享官散齋之日給酒食及明衣各習禮於
齋所太官令監取明水火取水于陰鑒取火於陽燧火以供爨水以寔尊前享一
日諸衛令其屬未後一刻各以其方器服守衛廟門及
太樂工人俱清齋一宿

陳設

前享三日守宮設獻官以下次於齋坊前享二日太樂
令設軒懸之樂於廟庭東方南方磬簾起北鐘簾次之

南方北方磬簾起西鐘簾次之設三鐃鐘於編懸之間
各依辰位樹路鼓於北懸之間道之左右植建鼓於三
隅置祝敎于懸內

祝在左
敎在右

設歌鐘歌磬於廟堂之上前

楹間北向磬簾在西鐘簾在東執匏竹者立於堂下階
間重行北向相對為首

凡懸皆展
而編之

諸工人各位於懸後

右校掃除內外又為瘞瘠院內堂之壬地方取足容物
南出陸前享一日奉禮設三獻位於東門之內道北執
事位於道南每等異位俱西面北上設望瘞位於堂之

東北當埋塼之東西向設御史位於堂下西南東向令史陪
其後設奉禮位於樂懸東北贊者二人在南差退俱西向又
設奉禮贊者位於瘞塼東北南面東上設協律位於堂上前
楹間近西東向設太樂令位於北懸之間北向設廟官位於
學懸東西若有觀者位于南門內道之左右重行北面相對
為首金吾監檢
不得喧雜設三獻門外位執事者位於其後每等異位
俱北向西上設廟官位於三獻東南俱重行北面西上設酒
樽之位於堂上齊太公犧樽二象樽二山罍二在前楹間北

向留候犧尊二象尊二山罍二在太公酒樽之東俱西

向

尊皆加勺罍有站以置爵其留候之爵同置于一站

設洗於東階東南北向罍

水在洗東篚在洗西南肆執樽罍篚罍者各位於樽罍

篚罍之後設幣篚二各於樽站之所晡後郊社令帥齋

郎以樽站罍洗篚罍設於位

升堂者自東階

謁者引三獻官等

詣厨視濯漑

凡導引者每曲一逡巡

贊引引御史詣厨省饌具享

日未明十五刻太官令帥宰人以鸞刀割牲祝史以豆

二取毛血置於饌所遂烹牲

其牲用太牢一正坐及配坐俎皆升右胖十一體以

下折分餘
體升之

未明五刻郊社令率其屬及廟司各服其服

整拂神幄

饋享

享日未明三刻諸享官各服其祭服諸陪祭之官皆公

服郊社令良醢令各帥其屬入實樽罍及幣

犧尊實以醴齊象尊

實以盞齊山罍實以清酒齊皆加明水酒皆加玄酒各實于上尊其幣以白各長一丈八尺

太官令帥其屬

實諸籩豆簠簋等未明二刻奉禮帥贊者先入就位贊

引引御史太祝及令史與執樽罍篚畧者入自東門當

階間重行北面西上立定奉禮曰再拜贊者承傳

凡奉禮有詞贊

者皆承傳

御史以下皆再拜訖執樽罍篚筥者各就位贊引

御史太祝詣東階升堂行掃除於上令史祝史行掃除於

下訖引降就位謁者引享官以下俱就門外位未明一刻

太樂令帥工人二舞次入就位文舞入陳於懸內武舞立於

懸南道西

其升堂者皆脫履於下降納如常

謁者引亞獻官入就位立定

奉禮曰再拜亞獻官再拜訖謁者引亞獻官詣東階升堂

行掃除於上降行樂懸於下訖引還本位初獻掃除訖謁

者贊引引享官以下次入就位立定奉禮曰衆官再拜衆官

在位者皆再拜

其先拜者不拜

謁者進初亞獻官之左白有司謹具

請行事退復位協律郎跪俯伏舉麾

凡取物者皆跪俯伏而取以興奠物則奠訖俛

伏而鼓祝奏永和之樂以姑洗之均

自後堂下之樂皆奏姑洗

作武舞之舞

樂舞三成偃麾戛敔樂止

凡樂皆協律郎舉麾工鼓祝而後作偃麾戛敔而後止

奉禮曰

衆官再拜衆官在位者皆再拜太祝俱跪取幣於篚興各

立於樽所謁者引初獻官升自東階進太公神坐前北向

立太祝以幣東向授初獻官初獻官受幣登歌作肅和之樂

以南呂之均謁者引初獻官進北面跪奠於太公神坐
興少退北向再拜謁者初引獻官當留侯首坐前東向立
又太祝以幣北向授初獻官初獻官受幣謁者引初獻官
進東向跪奠於留侯首坐興少退東向再拜登歌止謁
者引初獻官降復位初衆官拜訖祝史各奉毛血之豆立於
東門外登歌止祝史奉毛血升自東階太祝迎取於階
上進奠於太公留侯首坐前太祝興祝史退立於樽所
初獻官既升奠幣太官令出帥進饌者奉饌陳於東門之

外初獻官降復位太官令引饌入俎初入門雍和之樂

作

自後酌獻皆作雍和

饌至階樂止祝史各進跪徹毛血之豆降

自東階以出饌升太祝迎引於階上各設於神坐前

豆籩

蓋羶先徹乃升簋蓋既奠却其蓋於下

設訖太官令以下降復位太祝還樽

所謁者引初獻官詣罍洗盥手洗爵引升詣太公酒樽

所執樽者舉羶初獻官酌醴齊樂作謁者引初獻官詣

太公神坐前北向跪奠爵俛伏興少退北向立樂止太

祝持版進於神坐之右東向跪讀祝文曰維某年歲次

月朔日子嗣皇帝謹遣某官姓名敢昭告於齊太公惟公
爰定六韜載成七德功業昭著生靈攸仰俾茲末學克
奉舊章謹以制幣犧齊粢盛庶品式陳明薦以張留侯
等配祀尚饗太祝興初獻官再拜初讀祝文訖樂作太
祝進跪奠版於神坐興還樽所初獻官拜訖樂止謁者
引初獻官詣留侯酒樽所取爵于坵執樽者舉罍初獻
官酌醴齊樂作謁者引初獻官進留侯首坐前東向跪
奠爵興少退東面立樂止

初獻官既奠首坐爵餘坐皆
齊郎助奠相次而畢其亞獻

終獻齋郎助奠亦如之

太祝持版進於留侯神坐之左北面跪讀

祝文曰維某年歲次月朔日子嗣皇帝遣某官姓名敢昭告於留侯惟子宣揚武教光贊道鈴大濟生靈貽範千載謹以制幣犧齊菜盛庶品式陳明薦從祀配神尚饗太祝進跪興初獻官再拜初讀祝文訖樂作太祝奠版於神坐興還樽所初獻官拜訖樂止謁者引初獻官詣東序西向立太祝各以爵酌壘福酒合置一爵一太祝持爵進初獻官之左北向立初獻官再拜受爵祭酒啐酒奠爵俛伏興太祝帥齋郎

奠爵俛伏興太祝帥齋郎進俎跪減太公及留侯首坐

前三牲胙肉

皆取前脚第二骨

加於俎又以飯共置一邁太祝

先以飯邁授初獻官受以授齋郎又以俎授初獻官每
受以授齋郎初獻官跪取爵遂飲卒爵復於坫初獻官
俛伏興再拜謁者引初獻官降復位文舞出鼓祝作舒
和之樂立定戛敔樂止初初獻官獻將畢謁者引亞獻
官詣罍洗盥手洗爵訖謁者引升自東階詣太公酒樽
所執樽者舉罍亞獻官酌盞齊訖武舞作謁者引亞獻

官詣太公神座前北面跪奠爵俛伏興少退北向再拜
訖謁者引亞獻官詣留侯酒樽所取爵於坵執樽者舉
冪亞獻官酌盞齊訖謁者引亞獻官進留侯首坐前東
向跪奠爵興少退東向再拜謁者引亞獻官詣東序西
向立太祝各以爵酌壘福酒合置一爵一太祝持爵進
亞獻官之左亞獻官再拜受爵跪飲卒爵太祝進受爵
復於坵亞獻官興再拜謁者引降復位亞獻官獻將畢
謁者引終獻官詣壘洗盥手訖升酌盞齊終獻如亞獻

之儀訖引降復位武舞止太祝等各進跪徹豆興還樽

所徹者籩豆各一少移於故處

奉禮曰賜胙贊者唱衆官再拜

已飲福受

胙者不拜

奏永和之樂奉禮曰衆官再拜衆官在位者皆再

拜樂一成止謁者進初獻官之左白請就望瘞位謁者
引初獻官就瘞位西向立奉禮帥贊者轉就瘞埽東北
位初在位者將拜諸太祝各執篚進神坐前跪取幣興
降自西階詣瘞埽以幣置於埽訖奉禮曰可瘞埽東西
廂各四人寘土半埽謁者進初獻官之左白禮畢遂引

初獻官出謁者贊引各引享官以下以次出初白禮畢
奉禮帥贊者還本位贊引引御史太祝以下俱復執事
位立定奉禮曰再拜御史以下皆再拜贊引引出樂工
以下皆出其祝版燔於齋坊

大唐開元禮卷五十五